

طاقة نور



افتح لي طاقة نور

اتوضي ف رحابك

واصلي علي بابك

يمكن ساعتها افوق

من هم لازمني

هات لي شموع الفرحة

تنزع سواد الليل

حزم عينك ب الكحل

تسهر تناجي الست

دا الحب بوابك

حارس وبابه القلب

يفتح لدقاتك

كل اللي حبك داب

من خبطه علي بابك

كفي ماراضي يكف

شايل لي خلخالك

لما طلبت الكف

خايلني ليه خالك

ساقيني كاس المر

ف الرايحه والجايه

مستني منه الرد

اتاريه يا ناس مظلوم

رامياه ف دوامة

هافرش وانام ع الباب

يمكن ترد ب آه



قبل الشعاع ما يروح

تفتح لي طاقة نور

واتوضي ف رحابك